



ДОМ НАРОДА

DOM NARODA

Привремена истражна комисија Дома народа  
Парламентарне скупштине Босне и  
Херцеговине за прибављање информација о  
спољнополитичком статусу Босне и  
Херцеговине

Privremena istražna komisija Doma naroda  
Parlamentarne skupštine Bosne i Hercego-  
vine za pribavljanje informacija o van-  
jskopolitičkom statusu Bosne i Hercego-  
vine

Privremeno istražno povjerenstvo Doma  
naroda Parlamentarne skupštine Bosne i  
Hercegovine za pribavljanje informacija o  
vanjskopolitičkom statusu Bosne i Hercego-  
vine

---

Broj: 02-50-10-265-4,3/18  
Sarajevo, 20. 2. 2018.

## **PARLAMENTARNA SKUPŠTINA BiH DOM NARODA**

Na osnovu člana 27. Poslovnika Doma naroda Parlamentarne skupštine BiH („Službeni glasnik BiH“, br. 58/14, 88/15, 96/15, 53/16) i člana 3. Poslovnika o radu Privremene istražne komisije Doma naroda Parlamentarne skupštine Bosne i Hercegovine za pribavljanje informacija o vanjskopolitičkom statusu Bosne i Hercegovine, Privremena istražna komisija Doma naroda Parlamentarne skupštine Bosne i Hercegovine za pribavljanje informacija o vanjskopolitičkom statusu Bosne i Hercegovine na 4. sjednici, održanoj 20.2.2018., usvojila je te Domu naroda Parlamentarne skupštine BiH podnosi sljedeći

### **IZVJEŠTAJ O RADU**

#### **Privremene istražne komisije Doma naroda Parlamentarne skupštine Bosne i Hercegovine za pribavljanje informacija o vanjskopolitičkom statusu Bosne i Hercegovine**

#### **I. UVODNI DIO**

Privremena istražna komisija Doma naroda Parlamentarne skupštine Bosne i Hercegovine za pribavljanje informacija o vanjskopolitičkom statusu Bosne i Hercegovine (u daljnjem tekstu: Privremena istražna komisija) osnovana je na 27. sjednici Doma naroda Parlamentarne skupštine Bosne i Hercegovine, održanoj 7. aprila 2017. godine, sa zadatkom da provede javno saslašanje radi pribavljanja informacija i sagledavanja stanja u vanjskoj politici Bosne i Hercegovine.

## **II. ČLANOVI PRIVREMENE ISTRAŽNE KOMISIJE**

U Privremenu istražnu komisiju imenovani su:

1. Mario Karamatić,
2. Ognjen Tadić,
3. Safet Softić,
4. Fahrudin Radončić,
5. Nebojša Radmanović,
6. Bariša Čolak.

## **III. SJEDNICE PRIVREMENE ISTRAŽNE KOMISIJE**

**Konstituirajuća sjednica Privremene istražne komisije** održana je 29.5.2017.

Sjednicu je sazvao sekretar Doma naroda Parlamentarne skupštine BiH Bojan Ninković. Sjednici su prisustvovali članovi Privremene istražne komisije: Mario Karamatić, Ognjen Tadić, Safet Softić, Fahrudin Radončić, Nebojša Radmanović i Bariša Čolak.

Za predsjedavajućeg Privremene istražne komisije izabran je Bariša Čolak, za prvog zamjenika predsjedavajućeg Safet Softić i za drugog zamjenika predsjedavajućeg Nebojša Radmanović.

**Druga sjednica Privremene istražne komisije** održana je 19.7.2017.

Sjednici su prisustvovali članovi Privremene istražne komisije: Bariša Čolak, predsjedavajući Privremene istražne komisije, Safet Softić, prvi zamjenik predsjedavajućeg Privremene istražne komisije, Nebojša Radmanović, drugi zamjenik predsjedavajućeg Privremene istražne komisije, te Mario Karamatić i Ognjen Tadić, članovi Privremene istražne komisije. Odsustvo sa sjednice opravdao je Fahrudin Radončić, član Privremene istražne komisije.

Na sjednici je usvojen Poslovnik Privremene istražne komisije.

Jednoglasno je donesena Odluka o održavanju javnog saslušanja ministra vanjskih poslova Bosne i Hercegovine. Također je dogovoreno da će do zakazivanja javnog saslušanja razgovor s ministrom vanjskih poslova BiH Igorom Crnatkom obaviti rukovodstvo Privremene istražne komisije.

U skladu s dogovorom s 2. sjednice Privremene istražne komisije, 11.9.2017. održan je sastanak rukovodstva Privremene istražne komisije s ministrom vanjskih poslova BiH. Sastanku su prisustvovali: Bariša Čolak, predsjedavajući Privremene istražne komisije, Safet Softić, prvi zamjenik predsjedavajućeg Privremene istražne komisije, i Igor Crnadak, ministar vanjskih poslova BiH. Na sastanak je blagovremeno pozvan i Nebojša Radmanović, drugi zamjenik predsjedavajućeg Privremene istražne komisije, ali je izostanak opravdao ostavkom na sve komisije u Parlamentarnoj skupštini BiH.

Na sastanku je zaključeno da do održavanja javnog saslušanja ministar Igor Crnadak članovima Privremene istražne komisije sačini i dostavi informaciju o vanjskopolitičkom statusu Bosne i Hercegovine.

**Treća sjednica Privremene istražne komisije** održana je 18.10.2017.

Sjednici su prisustvovali članovi Privremene istražne komisije: Bariša Čolak, predsjedavajući Privremene istražne komisije, Safet Softić, prvi zamjenik predsjedavajućeg Privremene istražne komisije, Mario Karamatić i Ognjen Tadić, članovi Privremene istražne komisije.

Odsustvo sa sjednice opravdali su: Nebojša Radmanović, drugi zamjenik predsjedavajućeg Privremene istražne komisije, i Fahrudin Radončić, član Privremene istražne komisije.

Na sjednici je, u skladu s čl. 34. i 35. Poslovnika Doma naroda Parlamentarne skupštine Bosne i Hercegovine („Službeni glasnik BiH“, br. 58/14, 88/15, 96/15, 53/16) i u skladu s Odlukom o održavanju javnog saslušanja ministra vanjskih poslova Bosne i Hercegovine, broj: 02-50-10-1210-2,5/17, od 19.7.2017., obavljeno javno saslušanje ministra vanjskih poslova BiH Igora Crnatka, uz prisustvo predstavnika medija. Sjednici su prisustvovali i saradnici ministra Crnatka.

U javnom saslušanju ministra Crnatka učestvovali su svi prisutni članovi Privremene istražne komisije.

**Četvrta sjednica Privremene istražne komisije održana je 20. 2. 2018.**

Sjednici su prisustvovali članovi Privremene istražne komisije: Bariša Čolak, predsjedavajući Privremene istražne komisije, Safet Softić, prvi zamjenik predsjedavajućeg Privremene istražne komisije, Mario Karamatić i Ognjen Tadić, članovi Privremene istražne komisije.

Odsustvo sa sjednice opravdali su: Nebojša Radmanović, drugi zamjenik predsjedavajućeg Privremene istražne komisije, i Fahrudin Radončić, član Privremene istražne komisije.

Na sjednici su usaglašeni zaključci i usvojen Izvještaj o radu Privremene istražne komisije Doma naroda Parlamentarne skupštine Bosne i Hercegovine za pribavljanje informacija o vanjskopolitičkom statusu Bosne i Hercegovine.

#### **IV. ZAKLJUČCI**

- 1. Vanjskopolitički status Bosne i Hercegovine je već decenijama označen negativnim konotacijama. Konstantne političke krize posebno su se negativno odrazile na ukupnu ekonomsku situaciju i najvažniji integracijski proces-evropske integracije.**
- 2. Dom naroda Parlamentarne skupštine BiH poziva Ministarstvo vanjskih poslova BiH da intenzivira aktivnosti na izradi nove Strategije vanjske politike Bosne i Hercegovine i Prijedloga zakona o vanjskim poslovima Bosne i Hercegovine, te u roku od 90 dana izvijesti ovaj dom o postignutim rezultatima.**
- 3. Dom naroda Parlamentarne skupštine BiH poziva Ministarstvo vanjskih poslova BiH da se aktivnije uključi u rad Parlamentarne skupštine BiH, te poziva ministra vanjskih poslova BiH da, u skladu sa svojim obavezama, učestvuje u radu sjednica Doma s ciljem pravovremenog i cjelovitog informiranja.**

**4. Dom naroda Parlamentarne skupštine BiH poziva Ministarstvo vanjskih poslova BiH da pravovremeno reagira na sve kritike u vezi s njegovim radom i funkcioniranjem, kako bi se u javnosti otklonila slika o eventualnim nepravilnostima u radu Ministarstva.**

Privremena istražna komisija usvojila je Izvještaj o radu Privremene istražne komisije Doma naroda Parlamentarne skupštine Bosne i Hercegovine za pribavljanje informacija o vanjskopolitičkom statusu Bosne i Hercegovine, sa **zaključcima** sadržanim u njemu, te Domu naroda PSBiH predlaže da usvoji Izvještaj o radu Privremene istražne komisije Doma naroda Parlamentarne skupštine Bosne i Hercegovine za pribavljanje informacija o vanjskopolitičkom statusu Bosne i Hercegovine.

**Napomena:**

**Neautorizirani transkript javnog saslušanja ministra vanjskih poslova BiH Igora Crnatka sastavni je dio Izvještaja o radu Privremene istražne komisije Doma naroda Parlamentarne skupštine Bosne i Hercegovine za pribavljanje informacija o vanjskopolitičkom statusu Bosne i Hercegovine.**

Privremena istražna komisija je za izvjestioca na sjednici Doma naroda odredila Barišu Čolaka.

**PREDSJEDAVAJUĆI  
PRIVREMENE ISTRAŽNE KOMISIJE  
Bariša Čolak**

**Dostaviti:**

- naslovu
- a/a

**Prilog:**

Neautorizirani transkript javnog saslušanja ministra vanjskih poslova BiH Igora Crnatka.